



07205

小山類藁選卷三

奏議三

督撫兩廣藁

兩廣到任謝 恩疏

欽差提督兩廣軍務兼理巡撫都察院右副都御史

臣張岳謹

奏為謝

恩事照得 臣於嘉靖二十三年九月十六日准吏部

咨該本部會推具題奉

小山類藁選

奏議三

一

聖旨張岳陞本院右副都御史提督兩廣軍務兼理

巡撫寫勅與他欽此備咨到 臣本年十月初九日

節該欽奉

勅諭今特命爾提督兩廣軍務兼理巡撫欽此欽遵

於嘉靖二十四年正月初五日前到廣東南雄

地方隨准舊任提督兵部尚書兼都察院右都

御史蔡經咨送原收掌

符驗一道預備倉糧

勅書一道并



令旗令牌各五面副及關防卷吏到臣當日收掌

望

關叩頭謝

恩管事外臣竊惟兩廣之地實古百粵之區內叢

山外連鉅海風氣殊異獠獠雜居地遠而法禁多疎貨多而貪墨如織自非公廉並施寬猛得宜苟舉措之或偏則安危之所繫須求實材以濟時用顧如臣者徒抱鉛槧之微能愧無尊俎之長策顧以更嘗頗久險阻粗知誤蒙

小山類藁選

奏議三

二

厚恩畀此重任感激所至或能捐軀受材有限終懼覆餗惟

聖明洞照於萬里之外俾孤忠勉竭於咫尺之間敢不俯察羣情仰遵

邦憲興滯補弊去穢扶良公以滅私賞罰期於信必慮而後動拙速勝夫巧遲茲雖老馬之舊途抑亦挈餅之所守苟能用效庶答

鴻私臣下情無任激切感恩願効之至

報封川捷音疏

乙巳

題爲捷音事據鎮守廣西地方副總兵程鑒廣東  
布政司右叅政張烜廣東按察司僉事陸子明  
分守雷廉高肇地方左叅將武鸞會呈奉臣等  
照劄俱爲地方賊情事內開議昭封川縣文德  
歸仁二鄉大滑腦洪秋大貨黑石白馬白水蓮  
花黃岡金釵茶餅等巢稔惡賊首蘇公樂張公  
藥李公請林公香蘇宗德陳公黨岳公安等憑  
恃山巢句連黨與僭號稱王嘯聚一方流害諸  
邑攻圍村寨焚蕩室廬節據德慶州封川縣各

小山類彙選

奏議三

三

三四十五

該生員軍民告訴請兵急救倒懸前項應剿賊  
徒已該副總兵程鑒叅將武鸞會議進兵哨道  
畫圖貼說前來又該三司掌印守巡兵備等官  
重復集議明白應該進剿備仰職等前來監統  
軍務除遵奉剋期進剿陸續獲功馳報外今查  
得左大哨自嘉靖二十四年三月內奉軍門行  
委副總兵程鑒統率軍兵至文德羅鼓岡立營  
已截防守於本年四五月內不等時日賊屢出  
沒行劫督發軍兵截殺斬獲賊徒賊級共九什

名顆內一名係五旗賊首左公珠俱經解報又該鑒督右叅政張烜統督副總兵程鑒遵奉軍門照劄各巢肆害尤在首惡若首惡逃避無以示戒各鑒統官若臨敵設奇計擒首惡生解軍門明正典刑者功當優論職等密令領哨神電衛署指揮同知梁希孔等潛令聽招賊徒陸公茶李公願懸以重賞用爲閒謀於七月初八日計擒僭稱王號賊首張公蘂僭稱五旗將軍賊首李公請及從賊陸公安韋公詔陳公達覃公

小山類彙選

奏議三

四

三百廿四

孫共六名解赴軍門明正典刑外又該各職奉到分布哨道於八月初四日寅時齊舉該副總兵程鑒親督前去剿殺於本年十月初六日班師通計本哨立營截殺爲始及開刀至班師之日爲止前後計擒生擒并斬獲首從賊徒賊級共一千一百二十九名顆奪獲被虜婦女四口俘獲賊屬大婦幼男幼女共四百一十九名口奪獲器械一百六十九件水黃牛共二百二十五隻又查得右大哨該監督僉事陸子明統督

左叅將武鸞遵奉軍門劄付行令預先設法擒解首惡以正典刑當卽密令領哨德慶守禦十戶所指揮僉事婁澤肇慶衛指揮僉事張輝郭靖等百計用間於七月初七日擒獲有名大賊首蘇公樂岳公安次賊首廖公敬陳公田李公輒并從賊梁公間蒙公相佐公學賓公位林扶定覃扶觀蘇公蟻覃公章覃公稿共十四名解赴軍門明正典刑又先後被賊出沒剽劫督發軍兵截殺擒斬獲賊人賊級共七十二名顆內

小山類彙選

奏議三

五

一顆係賊首岑公英俘獲賊屬大婦一口小女一口奪獲器械四十七件被傷打手四名鄉兵六名陣亡打手一名俱經解報隨該各職奉到分布哨道前去剿殺通計本哨自八月初四日起至十月初六日散兵日止連前共擒斬首從賊人賊級一千四百四十五名顆俘獲賊屬男婦共三百一十一名奪獲器械一百一十四件水董半二百零二隻奪回被虜婦女一口今計左右二大哨前後通共斬獲首從賊徒賊級二

千五百七十四名顆俘獲賊屬大小男婦共七百三十名口奪獲被虜婦女五口器械二百八十三件水黃牛共四百二十七隻除將奪回被虜人口審實給親領回完聚生擒賊犯審明星詳處決功級并俘獲賊屬器仗俱解紀功僉事王舜卿查收閱驗估賣二哨牛隻徑發封川縣牧養勘給被害極甚民人分領耕種外該監督右叅政張烜僉事陸子明會同統督副總兵程鑒左叅將武鸞議照得封川縣歸仁文德二鄉

小山類藁選

奏議三

六

言

大滑腦洪秋南吉大貨黑石麒麟白馬白水蓮花等山巢險崎盤匝凡五百餘里賊首張公燾蘇公樂等黨與占據其中強奪竊取特其常事小民受害苦不可言正德年間倡率爲亂大肆慘毒屠戮居民雖經調兵征剿尚未及殄滅近年以來生齒日繁醜類益衆負恃險阻復肆兇殘嘯聚稱雄僭擬名號村落被其劫虜州邑爲之震驚卽今正二月間西村陳村觀地之民殺掠殆盡此直罪貫穹蒼人神共憤法在必誅茲

者仰荷

朝廷威德仗軍門嚴令陳師致討條畫指授允中  
機宜揮戈兩月之餘斬首二千餘級蠻烟頓息  
嶺嶠肅清凡茲將領效忠行伍奮義以共成大  
捷皆不能逃軍門洞察之下均乞敘錄以勸將  
來職等上奉萬全之謀下賴三軍之力秋毫無  
補塞責未能再照前項賊徒雖已撲滅中間未  
必全無一二漏網除奉布招旗差人回向號令  
但有殺戮未盡賊徒潛蹤山谷搜扒不及萬一

小山類藁選

奏議三

七

百十

幸生自行投出洗心改過者聽令招撫安插編  
管以全好生及今掣兵量留官員分領軍兵打  
手護民耕種行令叅將武鸞往來提調以警人  
心候事定民安調理歸一方行呈請告掣外所  
有前項獲過功次擬合會案通行呈報伏乞施  
行等因到臣據此案查云今據前因臣會同

鎮守兩廣地方總兵官征蠻將軍平江伯陳圭  
議照廣東肇慶府德慶州封川縣歸仁文德二  
鄉大滑腦洪秋南吉大貨黑石麒麟白馬白水

蓮花等巢山徑多岐崖峒延袤深林疊嶂窮險  
莫測自古爲獠獍所居種類繁多先年曾經調  
兵征剿彼皆倚山爲勢不能盡滅如賊首蘇公  
樂張公藥李公請陳公黨左公珠等復又烏合  
各處搖賊倏爾突出鄉村大肆流劫攻寨殺人  
虜掠財畜罪惡貫盈神人憤怒法當剿滅所不  
敢緩臣等仰遵節該欽奉

勅諭調集官兵區別善惡分布哨道左右夾擊撫剿  
竝行軍兵臨境蠶茲醜類尚恃其險惡糾合旅

小山類藁選

奏議三

八

三

拒而將卒效命奮勇爭先無險不登無堅不破  
自進山開刀至班師之日僅及兩月前後擒斬  
首從賊人賊級共二千五百七十四名顆俘獲  
賊屬犬婦男女七百三十名口奪獲器械二百  
八十三件賊牛四百二十七隻奪回被虜婦女  
五口凡平素有名極惡賊首無不生致麾下伏  
灑市曹及其黨類翦滅殆盡冤憤之氣一旦盪  
消遷避之民復還故業是皆仰仗我

皇上建有

皇極又用三德

神武不殺之威覃宇寓內而于紀負犯者未嘗姑息  
故人懷敵愾之心賊無逃生之地所誅雖止一  
隅而遠近谿峒莫不寒心兵威旣振削平可就  
臣等隄備欠嚴致茲寇梗雖罪人幸皆翦滅而  
死者不可復生方自念咎豈敢言勞但今兩廣  
搖撞非止封川一處見奉有

明旨相機撫剿至於賞罰功罪以激厲將來用兵之  
際尤爲要務照得副總兵程鑒右叅政張烜命

小山類藁選

奏議三

九

三九

事陸子明左叅將武鸞各監統軍兵直擣巢穴  
紀律嚴明綜理周悉誤以多方賊不知其所之  
懸其重賞人皆樂於用命至仰攻乎危險尤親  
冒於矢石故能使魁渠無不生擒醜類幾於殄  
盡平一方之大患復先年之版賦較其勤勞均  
爲稱最內程鑒當賊勢猖獗遠近驚疑之時提  
兵深入擒斬數多賊徒爲之奪氣居人恃以無  
恐其勞又多此皆効勞於領哨所宜優敘者也  
左叅議顧中孚總理糧賞調度有方兵有餘食

僉事王舜卿閱視紀功削錄公明姦弊盡革此  
皆有勞於軍前所宜並敘者及照廣東布政司  
先後掌印左布政使朱紉右布政使龔輝按察  
司按察使駱顯都司署都指揮僉事王寵咸以  
地方爲憂力贊征討之策往來計議皆切於事  
情調集軍需能濟乎緩急其軍前供事府縣正  
佐官如肇慶府知府胡純同知趙塤封川縣知  
縣吳蕙夙夜盡瘁分理庶務以上各官職任雖  
有大小功勞亦各不同要之均爲修職奉公亦  
宜敘及者也但數內該道守巡叅政張烜僉事  
陸子明先因高州有事往彼巡歷武鸞又在雷  
州閱視城池地方隔遠盜起于千里之外管照  
不及今各官身先士卒備歷險艱獲功數多勞  
効最著似宜堆贖仍一體優錄庶人心激厲而  
將來任事益加奮勉惟復別有

定奪臣等又照前項賊徒俱已平定然乂安之策所  
宜預圖除將調征兩廣漢達官軍土官目兵打  
手人等量行犒賞掣放休息仍將勦過地方暫

留叅將武鸞在於封川駐劄往來提調督理量  
留奉議武靖上思各州目兵二千三百名兼同  
所在軍壯打手鄉夫人等分撥緊關要害去處  
立營防守俟數月之後事體既定人心稍安卽  
行掣放復又照得封川縣歸仁文德二鄉先年  
被賊殺占與逃竄民田行委肇慶府知府胡純  
親詣地方逐一清查踏勘有主者責令給主認  
耕無主者召募良民住種照額糧差及查得文  
德鄉巡檢司原設在文德鄉地方爲因被賊殺

小山類彙選

奏議三

七

二百全二

害以致遷出地名賀江口今地方旣已平復應  
合移回該鄉照舊設立防禦保障以便控制其  
領哨策應把截有功都指揮等官并獲功陣亡  
被傷官軍目兵人等照例聽巡按廣東監察御  
史通查明白覈實造冊另行

奏繳外緣係

云

賀 太廟成頒赦疏

乙巳

奏爲慶

賀事嘉靖二十四年十一月二十八日 臣駐劄柳

州府該廣東布政司差官齋捧到騰黃

詔書一道以

太廟既成

詔赦天下者臣誠懼誠忤稽首頓首上言伏以達孝

莫大於尊

親萃饗必先於有

廟

太室入裸

嘉幣告遷通乎

小山類彙選

奏議三

十一

神明齋及群品蓋得萬國之權以祀

先是爲

聖人之孝由

中心之誠而

制禮奚止述者之明恭惟

皇帝陛下

聰明天賦

仁孝性成

精一執堯舜之中

易簡灋乾坤之用肅若

舊典爰作

新宮謂都宮合食之制昉自有周故同堂異室之規  
沿於後代事非苟作禮或從宜

義率

祖而

仁率

親所以重乎

社稷

小山類纂選

奏議三

十三

百廿八

內盡志而外盡物庶幾見於

羹牆

熙事備成

景福滋至用

敷錫厥庶民俾同躋於

仁壽雖洛誦秩烝祭之文而漢史記寬大之詔合

茲二美孰與

今日臣督撫遐方獲觀

盛典謹當虔奉

條詔頒布民夷觀其所卒可見萬物之情咸與維新

冀助

孝理之化臣無任瞻

天仰

聖懼忭踊躍之至

謝陞賞疏

丙午

奏爲謝

恩事嘉靖二十五年五月十三日准吏部咨爲捷音

事准兵部咨該本部具題節該欽奉

小山類藁選

奏議三

十四

三百七

聖旨這僮賊稱亂流毒地方督撫等官乃能調度官

軍征剿平定捷音來聞朕心嘉悅張岳陞兵部右

侍郎兼都察院左僉都御史賞銀五十兩紵絲四

表裏欽此欽遵備咨准此本年六月初七日據廣

東都司廣州右衛千戶陶金齋捧前項表裏銀

兩到臣除臣欽遵祇領望

闕叩頭謝

恩外臣竊伏念督撫罔功寇虐爲梗憂在庭戶勢切

焚溺順衆志以徵兵涉初秋而發令仰承

廟略遂靖妖氛豈曰臣能蓋有幸會方虞訶譴以示

懲敢冀

成貸之兼被茲蓋伏遇

皇帝陛下

深仁博大

睿鑒昭明欲飭治乎五兵尤

垂精於八表汗疾爲之藏納尺寸咸皆

甄敘致茲曠劣亦荷

龍光司馬貳卿西臺雄職美鏘陋漢直之二品文綺

小山類彙選

奏議三

五

真

瀆虞服之五章無乃稍畀以

渥恩俾其忘勞於說使秦不遐遺

治尚中行之體師以正出吉獲

三錫之繇苟在行閒孰忍自負况若臣者分當糜

捐雖去殺勝殘遠愧善人之爲効而有征無戰

期副大旱之望霖求肩此心庶酬

鴻造臣無任感戴歡忭之至

報柳州捷音疏

丙午

欽差提督兩廣軍務兼理巡撫兵部右侍郎兼都察

院左僉都御史 臣張岳謹

題爲捷音事據廣西布政司分守右江道監督中  
哨右叅政鄭綱分守柳慶等處地方統督中哨  
右叅將戚振呈爲班師事據本哨領哨把截慶  
遠衛指揮僉事陳勳柳州衛署指揮僉事徐儼  
張奎南寧衛署指揮同知劉瑄平樂守禦千戶  
所指揮僉事吳國雄會呈奉職等會牌備奉總  
府會劄行仰遵照分定哨道剋定嘉靖二十四  
年九月初七日開刀按圖進剿馬平縣里隆地

小山類彙選

奏議三

六

三百七

方上下朝水大橋楊梅等四十三村融縣古龍  
古郎峒石規上園古當嶺脚崩土古舊等三十  
二村鵝頸古盆大難大源等四村各賊巢前後  
攻斬備收全功各開具緣由到職會同總理統  
督三哨副總兵程鑒通查本哨計該擒斬首從  
賊人賊級通共一千三百三十五名顆俘獲賊  
屬八十三名口奪獲賊馬十四匹牛一十一頭紗  
帽盒一箇奪回被虜男婦四名口其器械各該  
軍兵奪獲分用除將生擒賊犯呈解軍門審決

賊級俱解紀功副使魏良輔紀驗俘獲賊屬除  
病故外其餘見在與牛馬俱發委官變賣價銀  
入官被虜人口審實給親領回完聚賊贓發馬  
平縣收庫陣亡被傷目兵照例給與棺木湯藥  
銀兩及將上油鵝頸等處殘徒行柳城融縣二  
縣從宜招撫安插造冊另報又將北岸寨聽招  
殘賊韋朝勇等三十名同良寨聽招殘賊藍萬  
喜等三十名與南團寨殘賊二十名共八十八名  
各給與旗榜撫令下寨聽候處分給與田土編

小山類彙選

奏議三

七

三三四

立羈管永爲良民訖除遵奉軍令於本年五月  
二十四日掣兵班師外理合具呈施行等因又  
據廣西布政司分守右江道帶管監督左哨右  
叅政鄭綱統督左哨原任左叅將署都指揮僉  
事孫繼武呈稱依奉行據本哨領哨南丹衛指  
揮僉事張國威張銳柳州衛指揮使金簡指揮  
僉事吳同章李元祿潯州衛指揮僉事下爵湖  
廣備禦永州衛指揮僉事陶禮等會呈稱遵奉  
各職會行備奉軍門會劄行仰遵照分定哨道

剋定日期申嚴號令整搦部伍進剿馬平縣五  
都里隆地方羅塘武歷上下中段等七十三村  
柳城縣上油峒金蒲大塘等二十一村融縣鵝  
頸鎮古營小源等六村各賊巢通查前後攻破  
各村寨共該擒斬過首從賊人賊級一千零三  
十九名顆除將生擒首從賊人賊級并奪回被  
虜一名俘獲賊屬共六十四名口馬一十八匹  
沙水牛三十二頭平頭牌六十面眉刀一把弩  
一十二把箭筒二箇鐵甲二領皮甲一領皮盔

小山類彙選

奏議三

大

三十五

二頂蟒龍袍一領俱經解報訖口巢殘賊二十  
餘一向羈縻至本年五月十七日亦行招撫下  
寨聽候處分并本哨先該指揮金簡招過附近  
獞民鳳山江口山衝三村共獞民秦公黨等一  
百一十四名亦各安心住種等因備呈到職除  
將聽招殘賊安插撫諭及差人齎執旗榜曉諭  
漏網殘徒一體招安復業陸續得獲功級閱視  
明白送紀功衙門紀驗被虜人口給主俘獲賊  
屬人口牛馬變賣價銀入官器仗貯庫及遵奉

明文會行各該領哨官員遵照掣兵班師外具  
呈施行又據廣西按察司整飭右江兵備兼分  
巡道監督右哨副使魏良輔呈奉軍門會劄依  
奉公同統督原任廣西都司都指揮僉事李霽  
將本哨原調到東蘭州目兵并漢達官軍民款  
分撥慶遠衛指揮僉事李世顯部領報効官孫  
韋應龍目兵連兵款爲一哨由洛西洛東進思  
家隘撲剿黎村中碟等一十三村慶遠衛指揮  
僉事王珪部領官男韋起雲目兵連兵款爲一

小山類纂選

奏議三

十九

三百廿四

哨由清潭高泉取路過三江橋出遷江管下窰  
灰村從南鄉大坡大珠寨門等村進剿黃千四  
軍等一十一村及分兵把截以遏賊遞指揮張  
銳千戶黃輔部領把截來賓葫蘆頭松叢等處  
千戶毛麒部領把截僊人博廣二隘而在慶遠  
洛目渡三寨鎮與大曹堡三處則尤以地遠旣  
有巡檢林王千戶鄭琳劉上表百戶李夔分領  
仍行知府王橋就近總領以便策應分布旣定  
申明軍門號令遵照原定剋期嘉靖二十四年

九月初七日寅時各抵應剿賊地按圖分哨計  
本哨前後陸續擒斬首從賊人賊級通共一千  
七百一十名顆俘獲賊屬一百一十二名口牛  
馬一百二十八頭匹器械共八十件除將前項  
功次俱經通行呈報驗收人口牛馬發仰羅城  
縣縣丞朱夔夔賣銀兩入官奪回被虜人口給  
親完聚并將各處原調到兵款目兵掣散放回  
休息量留目兵打手人等叅將戚振親自督領  
在於地方防守外今將進兵節次攻克巢寨獲

小山類彙選

奏議三

二十

三

過功次等項緣由呈報施行等因到臣據此案  
查先准兵部咨爲懇乞

天恩申嚴責任亟加征剿以安地方事該巡按廣西  
監察御史陳宗夔題前事該本部議擬合候

命下本部移咨提督都御史張岳會同總兵官陳圭  
督同副總兵程鑒并於三司中選委才力超卓  
二三人責令專任以事完爲期并合用兵糧議  
處停當一面具由奏

聞一面約期進兵凡軍中一應機宜俱聽相機行事

本部仍咨都察院轉行新代巡按廣西監察御史馮彬事完將有功有罪人員分別具奏等因覆

題奉

聖旨准議欽此欽遵備咨到臣已經行該守巡兵備會同叅將官督同守備府衛并地方人員備查爲惡村分首從賊徒分別哨道合用漢達土兵各若干細開畫圖貼說并一應軍需等項條具報奪隨據分守右江道右叅政鄭綱整飭右江兵備兼分巡道副使魏良輔暫代分守柳慶等處地方原任左叅將孫繼武會呈奉臣等案驗前事依奉會同鎮守廣西地方副總兵程鑒廣西布政司掌印左布政使李香按察司署印僉事魏一恭都司掌印都指揮周乾議得右江所屬柳慶等府近年以來盜賊充斥人民逃散柳州一府所屬十二州縣被害尤甚中間馬平來賓等縣里隆北伍等處更爲酷烈其巢穴深深山峒險阻北通古田永福南通淥里八寨東接

小山類纂選

奏議三

廿

三百九十三

藤峽諸流西連湖貴二境最近而融縣洛容柳城朝發夕至稍遠而龍哈忻城莫往此逐彼移其餘旁蹊曲逕高壘深居蓋不啻狐兔之三窟而已而里隆一處魚窩等巢險峻尤極控引長江有同天塹迴臨絕壁如守雉關乃柳慶二府之奧區西南一方之劇盜盤據山川豺虎之心益橫因循歲月地方之禍彌深屢經建議未見施行若非大調兵馬廣集糧餉多分哨道遠布防禦申嚴號令明信賞罰其何以收萬全之功

小山類彙選

奏議三

廿

二百六

除積年之患哉今將府縣查過應剿首從賊徒名數村分并哨道防守把截去處與夫合用官軍兵款糧餉船隻等項逐一會同詳議畫圖貼說備開條件呈報到臣等遵照節奉

欽依事理會差官舍分投齎執

令旗令牌督調南丹州土官男莫惟武東蘭州土官男韋起雲那地州土官男羅庭鳳各目兵并左右兩江各衛所府州縣馬步官軍打手壯款人等齊集將各官繳到畫圖貼說應分哨道書

冊分爲中左右三大哨俱差官齎執

令旗令牌督押剋定嘉靖二十四年九月初七日  
寅時一齊抵巢按圖撲剿其餘爲惡村分應該  
剿殺儘兵力所及相機行事隨據中左二哨監  
督右叅政鄭綱左叅議趙崇信呈稱五都諸寨  
賊徒勢益悍猾屯結寨上兵力不敷所圍有限  
呈乞再調別處土兵一二萬前來分布三哨以  
收全功臣等看得前賊堅結魚窩等寨恃險拒  
敵未易攻克隨將剿平廣東封川地方班師目

小山類彙選

奏議三

三

三百

兵於內摘取鎮安府土官男岑眞寶精兵三千  
名田州土官男岑芝精兵五千名向武州土官  
男黃仲金精兵三千名東莞縣銃手五十名及  
漢達官軍打手人等行委廣東都司新任都指  
揮劉海廣東布政司分守嶺西道右叅政張烜  
總領臣於十一月十五日前到柳州駐劄  
督催功次陸續獲功解報臣等又看得各處巢  
賊將次削平惟有魚窩馬鞍龍船等寨勢極高  
險拔地數十丈弓箭火銃俱不能達上有窩凹

各賊歲有積聚以防官軍據高臨下礮石如雨  
從古攻打未曾克破必須申飭各哨爲久困之  
計設灑攻打恐日久人情懈弛又行委新任鎮  
守廣西副總兵程鑒前去總理統督三哨并據  
原委左哨監督左叅議趙崇信呈報丁憂去訖  
隨改委中哨監督右叅政鄭綱兼管左哨監督  
臣等於嘉靖二十五年四月初八日移鎮柳城  
縣親自臨督仍將各領哨官以軍法處治鎖項  
勒限責令攻打據副總兵程鑒監統等官右叅

小山類彙選

奏議三

二五

三百五十二

政鄭綱等稟於本月初八二十等日購募敢死  
目兵黑夜藏火毬用繩梯鉤搭絕壁偷上魚窩  
馬鞍二寨奪其閘門投火毬燒其茅房賊衆驚  
亂各兵魚貫而登斬獲數多其被火燒死及墜  
落懸崖不計其數并俘獲賊屬人口奪獲器械  
等項解報前來今據前因臣會同鎮守兩廣地  
方總兵官征蠻將軍太子太保平江伯陳圭議  
照廣西柳州府馬平柳城融縣等縣五都里隆  
上油石龍鵝頸等巢賊首韋金田韋金秀韋明

濂覃朝鮮藍扶威韋扶曠韋張容韋朝龍等各  
據險巢朋黨爲患聲勢相通其中五都魚窩馬  
鞍等巢自洪武初年以來不入版圖尤爲險惡  
諸蠻所視以爲向背蓋自正德二年徵兵大舉  
斬獲首級雖多然而魚窩等巢攻圍數月竟未  
盡克遂且招撫是以兵散之後餘黨復布山谷  
頃年以來根蔓延引占據慶遠水陸二路敵殺  
官軍攻劫縣庫殺戮鄉村每殺一村則一村田  
土盡被包占積歲蠶食各縣僅存附郭數里其  
餘大抵漫爲盜區又恃其險阻狃於招安謂官  
軍不能持久縱來征剿終歸於招故敢於據險  
拒敵欲老我師狡猾兇狠人神共怒臣等仰遵  
兵部題奉

欽依調集官兵親臨調度攻剿以九月初進兵收其  
禾稼兵有餘食決意持久以絕後患其團結上  
寨者會兵圍困遞投別巢者黏蹤窮追誓以必  
破此賊乃肯班師是以人無還心進皆歿戰賊  
勢日蹙險遠巢寨並皆摧滅已將各哨報到擒

斬首從賊人賊級共四千零八十四名顆轉發  
紀功官驗實通行造報其首惡韋金田韋金秀  
覃朝解韋明濂藍扶威等明正典刑餘威所震  
羣蠻膽落而馬平縣三都四都來賓縣北五賓  
州龍哈八寨并象州武宣洛容等處以北及乎  
占田之境其魁渠皆自投軍門願編立里甲輸  
納稅糧同於百姓原被賊殺占額徵糧米今清  
出一千三百二十六石有奇經報在官聽撫造  
冊給帖者已有二萬零六百六十三名送出原

小山類彙選

奏議三

三六

二百八

日行兇盜甲槍刀弩箭等項共二千八百一十  
七件馬三百五十五匹其班師之後陸續聽招  
者尚未開報各被賊逼逐良民皆行令有司安  
插復業田土或仍舊或招人耕種蠻禍消除地  
方寧息是皆仰仗我

皇上

聖德同天春生秋肅竝行以成歲功

臣等奉揚

天威遵奉

廟謨致此克捷非犬馬之力所能及也及照賞以示

勸罰以示威軍旅之中所繫尤切臣等所以能鼓舞羣心奮勇趨事者亦惟宣

國家賞罰之典示以信必之令使之有所畏而知勸爾除前日地方失事各官如叅將李榮等已奉有

明旨革黜罰治不敢再叅外其軍前監統領哨領隊等官或到任未久或臨事委用如廣西布政司右叅政鄭綱按察司副使魏良輔分守右叅將戚振原任左叅將孫繼武原任都指揮李霽調

小山類彙選

奏議三

二七

三百〇五

任柳州府知府江滿謀畫素定策厲有方師久而氣不衰令明而人競勸摧破危險之巢俘獲俱盡窮追運結之黨巖穴幾空鎮守廣西副總兵程鑒未煖封川之席復揮里隆之戈總率諸哨躬冒矢石功雖止於二寨聲實震乎羣蠻此皆有於於監統所宜次第優敘者而右叅政鄭綱經畧於始審機分哨動皆當可副使魏良輔輯定於終推誠招徠至者如歸况又兼督餉紀功其勞為最廣東布政司右叅政張烜諳熟地

利兼曉兵機贊決征撫之宜以靖門庭之寇勤勞數月謀畫居多所宜並錄廣西布政司右叅議趙崇信甫破數寨乃以憂歸使其終事必有可觀慶遠府知府王橋分兵扼險斬獲數多師出其境供頓具備亦宜敘錄廣西都布按三司前署印官左叅政陳茂義副使劉采力破羣疑以定征剿後掌印官左布政使李香按察使朱觀及署都指揮僉事顧繼先皆能敵時所愾與民同憂往來計議終始同心其勞所宜敘及伏

小山類彙選

奏議三

二天

三十九

望

軫念邊方用武之地

勅下該部再加查議將鄭綱魏良輔程鑒戚振孫繼武李霽江滿量行陞賞張烜亦加優敘趙崇信王橋量行敘錄陳茂義劉采李香朱觀顧繼先量行優獎內知府江滿近被論劾閑住或陞與一官准其致仕庶人心激厲而將來任事益知奮勉惟復別有

定奪再照臣等受茲重委休戚所關上之不能敷布

國家文德之治化服異類共享太平乃不得已至  
動兵革又不能出奇決勝蚤收戡定之功持以  
久困僅乃克之鋒刃之下實可哀憫

正濃明罰當自臣始況臣等近以封川微勞叨蒙

聖恩陞賞過分方切慚懼圖報未能不敢別有希冀

以干清議此出臣區區至誠非由矯飾除將調

征兩廣漢達官軍土官目兵打手人等量行犒

賞掣放休息其已聽撫夷獯行令所司加意存

恤未招者備行守巡官遵照臣等原行條約逐

小山類纂選

奏議三

二十九

三百一

一撫處停當安插復業及摘發泗城東蘭南丹  
那地等州目兵五十名行令叅將戚振管領在  
於柳州融縣來賓千蔓古零等處立營防守俟  
數月之後事體既定人心稍安卽行掣放臣等  
於本年五月二十四日班師回還梧州總府控  
制地方其餘有功獲功并陣亡傷故被傷官軍  
目兵人等照例聽巡按廣西監察御史通查明  
白覈實造冊另行

奏繳外緣係

云

云

留任兩廣謝 恩疏 以刑部右侍郎 丁未

嘉靖二十六年二月初三日准吏部咨為乞留

提督大臣以責成功以安邊境事該本部題該

巡按廣西監察御史徐南金題前事本部覆題

節該欽奉

聖旨張岳著照原職提督巡撫地方欽此欽遵備咨

到臣除欽遵望

關叩頭謝

恩照舊管事外臣竊惟蠻夷為患雖治古隆盛之世

小山類彙選

奏議三

三十一

二百六

所不能無商宗有鬼方之伐周宣有蠻荆之師

皆得人而專其任持義以要成功故能殲厥渠

魁齊一醜類四海內外咸仰德威巍然三代之

上號稱中興伏惟

皇上臨御以來

文教覃敷

武略遠振九夷八蠻重譯獻貢無敢干紀負犯以速

天誅雖高宗周宣中興之烈未能及此而臣受任邊

疆無方叔召虎顯允旬宣之材致茲小醜尚肆

陸梁雖仰賴

皇威時或戡定揆之止戈之武義甚愧之方將屏息以俟謹詞不謂

大度包容復隆委任輟其明刑之

召俾又督戎之司揣分奚堪臨事彌懼臣再惟禱除

稂莠本為嘉禾然用力弗審反傷禾根惟茲事

勢之相疑要在審幾而善處顧臣愚昧非所能

辨惟有厲果毅之心竭匪躬之節上奉

廟畧俯采羣策慮善而動蚤圖卽叙之功從人所欲

小山類彙選

奏議三

三

二百四

庶遂息肩之慶臣之深衷耿耿在此為此具本

專差百户林挺材齎捧稱

謝謹具奏

聞

陞賞謝 恩疏

丁未

嘉靖二十五年十一月二十四日准兵部咨為

捷音事該本部覆題節該欽奉

聖旨這惡蠻寇征剿既平撫鎮等官有功可嘉張岳

陞俸一級賞銀五十兩紵絲四表裏欽此欽遵又

該禮部差鴻臚寺序班吳一鸞於嘉靖二十六年六月十八日齎捧

欽賞銀兩表裏到臣除欽遵祇領望

闕叩頭謝

恩外緣臣往年督學廣西巡歷柳慶知五都里隆之寇爲二郡腹心之疾憤發于中志欲靖掃逮茲再來又逾一紀道途阻塞慶遠幾爲外區財賦陷沒馬平僅存空籍勢已窮極理無姑息臣仰遵

小山類彙選

奏議三

三十一

二百廿三

廟謨叅稽輿論謂非偏師之力可冀旦夕之功移檄徵漢土之兵合圍縣冬春之久乘其困憊悉就誅俘十年憤激之夙心粗若可償四郊未夷之多壘尚有餘辱期贖愆於後效敢希賞於

清朝伏惟

皇上

聖度天容

渥恩地載善雖小而必錄功惟疑而從予秩祿猥加溫飽羨於私門金幣載

錫光華動乎部伍顧此微軀將何報稱若絲之有經  
緯願効幅尺於良工於金惟日從革敢辭精純  
於百鍊秉此心以對越庶少竭其涓埃臣無任  
感

恩激切之至

報連山賀縣捷音疏

戊申

題爲捷音事照得先因廣西賀縣弓山礮石黃洞  
等巢積年賊首倪仲亮李三弟等廣東連山縣  
黃南梅水大曲等巢積年賊首李金石住等各

小山類彙選

奏議三

三三

二百九

結黨嘯聚相煽爲亂流劫鄉村殺虜人財奪占  
田土民不寧居貽患三十餘年節據賀連二縣  
被害排年軍民黃昂黎得春等連詞具告請兵  
征剿已該臣會同鎮守兩廣地方總兵官征蠻  
將軍太保兼太子太保平江伯陳圭議得前賊  
積惡已盈流毒甚慘屢撫屢叛勢在必征將調  
到廣西鎮安思明田州南丹東蘭那地向武都  
康泗城歸順上林等府州司縣土官目兵并兩  
廣漢達官軍民壯打手人等分爲二大哨一哨

賀縣委鎮守廣西地方副總兵沈希儀統督廣  
西按察司僉事俞則全監督指揮李琮孫入  
陳棟鄒繼芳下爵莫如爵等共兵五萬九十五  
百七十七員名進剿弋山礮石黃峒等巢首從  
賊徒一哨連山縣委廣東布政司左叅議木憲  
章監督廣東都司署都指揮僉事梁希孔祝督  
指揮莫如爵黑孟陽李涇王煦共兵二萬零七  
百九十員名進剿黃南梅水大曲等巢首從賊  
徒及行湖廣巡撫衙門督行柳桂衡永上湖南  
等道兵備分守分巡守備等官各調集官兵鄉  
夫委謀勇指揮千百戶等官管領把截剋定嘉  
靖二十七年正月十四日寅時一齊抵巢按圖  
撲剿應與湖廣官兵夾攻者約會夾攻仍委廣  
西布政司左叅議朱道瀾總理賀縣哨廣東布  
政司監督左叅議朱憲章兼管總理連山縣哨  
各軍前糧餉會本具

題外續於本月二十一日據賀縣哨監統副總兵

沈希儀僉事俞則全呈報督據領哨指揮陳棟

小山類藁選

奏議三

二五

三百五

孫文繡鄒繼芳李琮卞爵莫如爵各稟稱依奉  
督押土官目兵旗軍人等遵照剋期進剿礮石  
里松東西兩岸羅家亞隆新村大坪黃峒弓山  
晒禾趙家盧家坪蓮花均峒上下鹹石牛尾等  
巢連日攻破擒斬賊人賊級二千五百三十九  
名顆內有名賊首倪仲亮李三弟等一十八名  
顆俘獲賊屬一百七十九名口奪回被虜男婦  
三名口奪獲牛馬二百七十四頭匹噐械九百  
九十六件并據連山哨監統左叅議朱憲章都

指揮梁希孔呈報二月初十日督據領哨指揮  
黑孟陽李涇莫如爵王煦各稟稱遵照剋定日  
時進剿大冲東坑倒水牛塘巾子大小中眼遶  
江等巢連日攻破擒斬賊人賊級四百八十名  
顆內有名賊首李金石住等七名顆俘獲賊屬  
一百零七名口奪回被虜婦女一口奪獲牛五  
頭噐械六十二件及據湖廣按察司整飭柳桂  
衡永兵備兼分巡上湖南道副使潘子正呈稱  
遵照剋期嚴督管軍守備永道以都指揮體統

行事指揮易堂等督率官旗殺手人等各照原定把截營哨相機攻剿永州府捕盜通判林一正等督率民快鄉團徭款各另分定把截通賊要路地方相機策應及求明縣桃川迤西桂陽宜章二縣迤東與廣西賀縣富川廣東連山地方但交界去處俱各委官督兵把截各陸續擒斬賊人賊級通共三百五十七名顯內賊首何滋嚴珪黃廷富二顯俘獲賊屬大婦幼男女一百四十九名口盤獲安插過一百二十一名奪

獲器械四百一十九件入據湖廣布政司分守上湖南道左叅議洪世文呈報相同各前來臣等查得連山賀縣二哨官兵通共擒斬首從賊人賊級三千零一十九名顯俘獲賊屬二百八十六名口奪回被虜男婦四名口奪獲半馬二百七十九頭匹器械一千零五十八件俱經巡按御史蕭世延楊以誠原委紀功廣西按察司副使沈宏廣東按察司副使黃光昇閱驗審勘明白獲功官軍目兵各照賞格給賞陣亡被傷

者給與銀兩以爲營葬及湯藥之資生擒內有  
詞者監候另議情真無寃者遵照兵部奏

准嚴法令以靖地方事例押赴市曹處決器械貯庫  
被虜人口給親完聚俘獲賊屬與牛馬俱變賣  
價銀入官其湖廣官兵所獲首從賊人賊級賊  
屬等項備行該道俱徑呈彼處撫按衙門定奪  
委官紀驗施行外臣會同鎮守兩廣地方總兵  
官征蠻將軍太保兼太子太保平江伯陳圭議  
照廣西賀縣接連廣東連山縣地方密邇湖廣

小山類纂選

奏議三

三七

三百廿三

江華等縣崖洞深險林菁叢密各賊盤據負固  
肆兇東攻則西遯西攻則東遯急之則走入險  
阻緩之復糾聚出沒正德年間雖曾具

奏征剿賀縣特以一面進兵不曾會合三省致使  
殘黨旋復嘯聚如賊首倪仲亮鄧良朝梁榮李  
金石住等合衆數千僭稱名號焚掠村寨占據  
川上逼近關廂禍延三省劫掠得志黨附益多  
各處無賴姦民投入夥中導之遠劫至於德慶  
開建等州縣亦被其害若不急爲剿滅誠恐後

來愈熾深爲未便臣等動調官軍土兵行委副  
總兵三司等官統領進剿幸致克捷卽今地方  
之患已除神人之憤獲伸舊民復業安枕而臥  
是皆仰仗

皇上

聖武弘敷

天威遠振故能兵不留行賊無堅寨臣等犬馬微  
力所能強致照得副總兵沈希儀左叅議朱憲  
章僉事俞則全署都指揮僉事梁希孔各監統

小山類彙選

奏議三

三天

二頁全三

軍兵直搗巢穴方略素定分布周密一鼓而克  
其中堅多方以翦其餘黨窮深極險無所不到  
信賞必罰令人莫犯致茲成功之速由其協謀  
之固切宜優敘內沈希儀未抵新任卽蒞戎行  
而能慷慨登途誓清妖氛指授諸將咸中機宜  
積勞致疾志猶不衰當稍爲優異以勸將臣左  
叅議朱道瀾僉事奚良輔先後總理糧賞稽核  
周密錢糧清裕副使沈宏黃光昇各閱視紀功  
存削明當人情厭服皆有勞於軍前所宜並敘

者也及照廣西布政司掌印左布政使李香右布政使鄭漳按察司掌印按察使楊本仁都司署印署都指揮僉事周乾廣東布政司掌印左布政使韓楷右布政使蔡雲程按察司掌印按察使林應標都司掌印署都指揮僉事夏忠咸以弭盜安民爲心始終計議以濟厥功亦皆不可不錄者也再照湖廣按察司副使潘子正布政司左叅議洪世文推同舟之義以分鄰境之憂各飭所部會兵截殺號令嚴明首尾相應破

馬鞍白石二巢以除兩界盤據之禍但越境遯逃無不當時擒斬功雖三百有餘其利益不可勝數此所宜敘論者也文查得領哨指揮卞爵莫如爵等與湖廣領兵把截隨軍委用等官守備都指揮段欽以都指揮體統行事指揮易堂等職任雖有大小皆能各效勤勞以副委用相應量加獎賞以酬其勞者也伏惟

皇上軫念邊方用武之地

勅下該部查議將前項有功官員議擬

上請量加望賞庶人心激厲而將來任事益加奮勉  
惟復別有

定奪其餘有以獲功并陣亡傷故被傷官軍目兵人  
等照例聽各該巡按御史通查明白覈實造冊  
另行

奏繳外緣係云

兩廣人材疏

戊申

題爲薦舉兩廣地方人材事臣聞士大夫立身大  
節惟有出與處而已出而服有官僚有所建立

小山類彙選

奏議三

四十

三百七

謂之宦業宦業有得有失部院得秉公道以黜  
陟之則人有所懲勸而政通於上處而杜門里  
居有所修爲謂之鄉行鄉行有是有非鄉人得  
明清議以褒貶之則人以爲榮辱而俗美於下  
清議之所榮辱與勸懲同撫按憲臣又以時采  
清議所褒者薦聞於

朝以備錄用清議既明而公道又行乎其間

國家於求材作人之術可謂無遺法矣臣待罪兩

廣三年備聞士大夫家居行事謹陳清議所歸

可備錄用者如廣東原任翰林院脩撰蕭與成  
文章博贍性行端直推以用世猶有餘蘊原任  
監察御史黎貫才器老成氣節凝重求之時輩  
鬱然典刑原任監察御史陳大器作邑循良立  
臺風采斂退鄉居物望推重原任監察御史何  
維栢青年美質潛心淵微菽水養親非義不食  
原任工部郎中吳會期持守堅確世務練詳屏  
居海外志節孤聳原任刑部主事王漸達清修  
厲行篤志力學造理日深充養益厚原任兵部

小山類彙選

奏議三

聖

三百七

主事何翼天性恬淡杜門避諠手無停披言不  
及利原任南京刑部主事沈桂奇棄官就養力  
學從師所志非凡進修未已廣西原任戶部員  
外郎馮承芳閑居日乂守志益堅文造深醇才  
通世務原任禮部主事陳邦偁甘貧苦節篤學  
力行乂屈未伸公論共惜以上數臣其行義之  
著於鄉者如此蓋聞古之舉士必始於鄉其或  
罷而歸鄉里也復得推擇爲吏及起家爲大官  
况

聖明寬大之世愛惜人才片善片長皆得効用而使  
犧尊之材永爲溝中之棄此臣所深惜也及又  
查得丁憂服闋南京通政司叅議倫以諒性度  
端沉文章深厚材非一長器可大受似宜遇缺  
推用無令又淹里居如蒙乞

勅吏部查諸臣去官緣由若只是養病違限或一時  
狂愚註誤於大節無所干礙酌量輕重次第錄  
用及倫以諒查照服闋事理遇缺推補諸臣感  
奮之餘後効必有可觀緣係薦舉境內人材以

小山類彙選

奏議三

四十一

百七

備起用事理未敢擅便爲此具本順差舍人黃  
通親齎謹題請

旨

07205

卷三終



